



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Historia Ioannis Cochläei De Actis Et Scriptis Martini Lvtheri Saxonis**

**Cochlaeus, Johannes**

**Parisiis, 1565**

Acta & scripta Lutheri, Anno Domini. M. D. XLVIII.

**urn:nbn:de:hbz:466:1-29789**

*Acta & scripta Luthe-  
ri, Anno Domini.  
M.D.XLIII.*

*Conuentus  
Imperialis  
Spire.*



Mo anno celebris fuit Conuentus Imperialis à Cæsaremet præfente Spire habitus, in quo & omnes septem Principes Electores (quod raro fit) personaliter præfentes fuerunt. Tractatum ibi rursus fuit de ratione belli defenfui contra Turcas, & de sumptibus atque contributionibus ad bellum illud necessariis. Fuit & de causa Religionis ibi serid actum, & Lutheranis ad importunam eorum instantiam concessum nonnihil, quod summo Pontifici per omnia placere non potuit. Recessus ergo publicus datus fuit Spire X. die Iunij. Cuius sane tenorem vbi Ro. Pontifex accepit, paterne admonuit per quandam epistolam Cæs. Maiestatem, vt in causa fidei & Religionis, more maiorum, nihil velit, inconsulto Ro. Pontifice, statuere aut permittere, in sedis Apostolicæ præiudicium. Mos (inquit) maiorum est eiusmodi, vt quoties de his, quæ ad religionem pertinent, disceptatur, ad sedem Apostolicam omne iudicium semper referatur, nihil illa inconsulta statuatur. Tu vero nunc fili, cum vel de Concilio generali, tanquam de remedio omnium opportunissimo afflictis Ecclesiæ rebus, &

*Admonitio  
Pape ad Cæs.  
sare scripta.*



& ipsius in primis Germaniæ mentionem faci-  
 tis: vel de Nationali, cuius etiam meministi: vel  
 de futuro ad proximum Autumnum Imperia-  
 li Conuentu, in quo de religione cæterisque re-  
 bus, quæ ad illam pertinent, tractare promittis:  
 ita agis, ita statuis, vt suppressas eius nomen vbi  
 que, cui diuina & humana iura, approbante tot  
 Circulorum consensu, se premissam, cum cogendi  
 Concilia, tum statuendi de his & ordinandi, quæ  
 ad Ecclesiæ vnitatem vtilitatemque spectant,  
 auctoritatem dederant &c.

Contra hanc Papæ Pauli III. epistolam, hor-  
 rida conuitia scripserunt Lutherani, quidam  
 Latine, quidam Germanice. Lutherus ipse Teu-  
 tonicè prolixum aduersus eam ædidi librum,  
 vique adeo maledicum & obscænum, vt sine  
 pudore recitari aut legi non queat. Edidit &  
 alium Germanicè libellum, in Quatuor par-  
 tes diuisum. Quarum prima titulum habet,  
 De Principalibus articulis Christianæ fidei,  
 contra Papam & Inferorum portas sustinen-  
 tis. Secunda continet eius Confessionem.  
 Tertia, De vera & falsa Ecclesia, quomodo di-  
 scernatur. Quarta, De tribus symbolis aut  
 Confessionibus Catholicæ fidei.

Cochlæus quoque non paucos hoc anno æ-  
 didit Latine libellos, partim contra Luthera-  
 nos, partim contra Zuinglianos. Verbi gratia.  
 Philippicam sextam, contra Melanctonem &  
 Bucerum, pro Colonienſium iudicio: Defensio-  
 nem Cæremoniarum Ecclesiæ, contra Tres libel-

*Obscænissi-  
 mus liber Luth-  
 eri contra  
 Papam &  
 Card.*

*Opuscula  
 Cochlæi.*

*Opuscula  
 Cochlæi  
 &c.*



los Ambrosij Moibani Vratislaviensis: De nouis translationibus veteris & noui Testamenti Discepcionem: Quadruplicem ratione concordia super Confessione Augustana. Hæc contra Lutheranos. Contra Zuinglianos vero, De inuocatione sanctorum, eorumque intercessione, & de Reliquiis imaginibusque eorundem, contra Bullingerum: Replicam breuem, & prolixam responsionem eiusdem Bullingeri: De sacerdotio & sacrificio nouæ legis, contra duos sermones Vuolffgangi Musculi. Item, Historiam de vita Theodorici Regis Ostrogothorum & Italia. Germanice item libellum unum, de modo & vsu orandi antiquo. Cæsar autem finitissimæ Spiræ comitiis, Regi Franciæ bellum intulit in ipsa Gallia, eoque feliciter peracto, in Belgicam eodẽ anno reuersus est: qui ad Parisios usque cum exercitu penetrauerat. Clero interim Colonensi, pro fide & religione Catholica, libris & actionibus diuersis viriliter, Lutherani Archiepiscopi sui conatibus & attentationibus repugnante.

*Acta & scripta Lutheri,  
Anno Domini  
M. D. XLV.*

*Conuentus Imperialis Vuormaciæ.*

H

Oc quoque anno indictus ac celebratus est Vuormaciæ Conuentus Imperialis, qui promissus fuerat in Reuersu Spirensi,